

Državna regulatorna agencija za radijacijsku i nuklearnu sigurnost, sa sjedištem u ulici Dubrovačka br 6, 71 000 Sarajevo, ID broj: 4201357350000 (u daljem tekstu: Kupac) koga zastupa i predstavlja direktor Agencije Marinko Zeljko

i

Analitika d.o.o. Sarajevo, sa sjedištem u ulici Ferde Hauptmana 7, ID broj: 4200561260005 (u daljem tekstu Dobavljač) koga zastupa i predstavlja direktor Gorana Maglajlić .

Na osnovu Odluke broj: 04-16-15-1260/18 ugovorne strane zaključuju :

UGOVOR

o nabavci usluga za prvu fazu i dio druge faze u okviru mapiranja i početak mjerenja radona u BiH

Član 1.

Ovim Ugovorom, ugovorne strane su se sporazumjele da će Dobavljač, tokom cijelog ugovorenog perioda vršiti sukcesivnu isporuku usluga mjerenja koje su navede u Prilogu 1. tenderske dokumentacije za potrebe Kupac. Ugovor se zaključuje na osnovu provedenog postupka javne nabavke objavljenog na portalu javnih nabavki broj: 1321-1-2-23/18 od 16.11. 2018. godine.

Sastavni dio ovog Ugovora je prihvaćena Ponuda Dobavljača broj: TEN-075-God 22.11.2018. godine, sačinjena prema Specifikaciji iz tenderske dokumentacije.

Član 2.

Ugovor se zaključuje po okončanom postupku javne nabavke potpisivanjem ugovornih strana, a primjenjuje se od datuma potpisivanja Ugovora .

Ukupna vrijednost Ugovora ne može biti veća od 20.000,00 KM sa uračunatim PDV-om.

Član 3.

Na osnovu ovog Ugovora, ugovorne strane za nabavku usluga zaključit će Ugovor o međusobnim pravima i obavezama radi realizacije Ugovora do iznosa i perioda definisanih članom 2. ovog Ugovora.

Isporuka usluga će se vršiti najkasnije pet dana nakon potpisivanja ugovora, i prema dinamici koja je utvrđena tenderskom dokumentacijom a najkasnije sa 31.12.2018. godine. U slučaju kašnjenja isporuka usluga do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručenih usluga, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupno ugovorne vrijednosti usluga koja je predmet nabavke.

Odabrani Ponuđač je dužan platiti ugovornu kaznu u roku od sedam (7) dana od dana prijema zahtjeva za plaćanje od Kupca.

Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti predvidjeti.

Član 4.

Dobavljač se obavezuje da će uslugu koja je predmet ovog Ugovora isporučiti Kupcu u skladu sa specifikacijom:

- uslovima iz tenderske dokumentacije i
- uslovima iz prihvaćene ponude.

Član 5.

Za sve što nije regulisano ovim Ugovorom primjenjivat će se odgovarajuće odredbe važećeg Zakona o obligacionim odnosima.

Član 6.

Dobavljač se obavezuje da će redovno vršiti isporuku predmetnih usluga u ugovorenom periodu kako je predviđeno tenderom, u skladu sa potrebama i narudžbama Kupca. Kupac je svrstan u „prioritete“ u pogledu isporuke usluga neovisno o situaciji na tržištu.

Član 7.

Osnov za plaćanje ispručenih usluga jesu fakture/računi koje Dobavljač dostavlja Kupcu za uredno isporučene usluge, a na osnovu otpremnih dokumenata (radnih naloga) koji su potpisani od strane ovlaštenog lica Kupca koji je vršio kontrolu nad uradjenim mjerenjima. Plaćanje na ime isporučenih roba Kupac je dužan vršiti putem JRT Bosne i Hercegovine i to na žiro račun Dobavljača broj: 1610000002320057, kod Raiffeisen bank d.d., i to u roku od pet dana od datuma ispostavljanja fakture.

Član 8.

Svi uslovi iz tenderske dokumentacije broj: 04-16-15-1260-2/18 od 16.11.2018. godine čine sastavni dio Ugovora. Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 9.

Svaka od ugovornih strana može otkazati ovaj Ugovor, pismenim putem, uz otkazni rok od trideset (30) dana iz razloga propisanih Zakonom o obligacionim odnosima.

Član 10.

Ovaj Ugovor stupa na snagu danom potpisivanja obje ugovorne strane.

Član 11.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

Dobavljač:

ANALITIKA D.O.O.



Direktor:


Gorana Maglajlić

Broj: TEN-075-g.22/18

Datum: 20. 12. 2018.

Kupac:

DRŽAVNA REGULATORNA AGENCIJA ZA
RADIJACIJSKU I NUKLEARNU SIGURNOST



Direktor:

Marinka Zeljko

Broj: 04-16-15-1260/18

Datum: 17.12.2018.